

# Коми Республикаса том войтырлön газет



# МОЛОДА

2014  
моз  
8-öд  
лун

31№  
(1156)





**Тайо  
НОМЕРЫН**

«Йёлгалон» тайо петасыс бара на аслысполос — сийос быдсон сиома Куломдин районса Габов грездын часовня кыподоьмы. Ю. Спиридонов нима искусство гимназияын велодысыяслон да велодчысыяслон мовп-сьолоьмкыломъясыс — газетлон дас квайтнан лист бокын.

Июнь 20 лунө гимназистъяс мөдөдчисны Куломдин районса Габов грездө кыподоьны Георгий Победоносец нимөн вежөдөм часовня. Тайо проектнас веськөдлоьны Алла Александровна да Сергей Викторович Таскаевъяс.

4  
л.б.

Часовня кыподоьмыс ставнымы миянлы лоис зэв төдчана мөгөн. Ми көсьям нэмөдны Айму вөсна Ыджыд тыш выло ветлом салдатъяс йылысь паметъсө. Великой Отчественной — тайо война, кодө оз соьмын небөг лист бокъясын ов. Сы йылысь паметъыс да бырылгөм шотыс быд семьяын оло.

6  
л.б.

Габов грездын татчөс фронтөвикъяслы сиөм Георгий Победоносецдыс часовня кыпалис, и бара на июль 10 лунө чукөртчылисны грездасяс да кывкутысь йөз, кодыяс отсалисны пөртны олоьмө бур мөвпыштөмторсө.

16  
л.б.

# Ичөт грездысь кызь нель салдат дорйис Чужан му

**2013 вося май 9 лунө 28-өд Невельской дивизияса ветеранъяслон совет шуис кыподоьны Куломдин районса Габов грездын Чужан му дорйисьясөс казътылан часовня-памятник.**

Габовысь фронт выло мунис 24 морт, на пиысь куимөн тышкасисны миян дивизияын. Радөвөйяс Василий Иванович Лодыгин да Владимир Фёдорович Лодыгин усисны Великие Луки кар мездигөн, радөвөй Николай Иванович Лодыгин пөгибнитис Невель кар дорын. Фронтөвикъяслы памятникыс Габовын эз на вөв, и часовняс сэтчөс олысыяс да грездө волысыяс вермасны копиртчывыны Чужан му дорйисьяслы май 9 и июнь 22 лунъясө, Россиялон воинской слава лунъясө, рөдителясысөс казътылан субөтаясө.

Часовня кыподоьны сьөм чукөртан уджсө котыртісны Ю.Спиридонов нима искусство гимназияын (лөтчик-истребитель Н.К.Лошаков нима «Наследие» корсысыян отрядыс командир Сергей Викторович Таскаев) да Куломдин районса «Парма гор» газет редакцияын (кывкутысь секретарь Василий Григорьевич Лодыгин). Киров обласьтса Слободской карын вөли вөчөма да вайөма Сыктывкарө енколалысь юрсө, часовня лэптөм йывсыс сёрнитчөма «Монолит» компаниякөд (веськөдлысыс Александр Сергеевич Кочев).

2014 вося июнь 21 лунө «Енкола дорө туй» экспедицияө пырөдчысыяс заводитисны вөчны часовнялысь подуvsө. Тайо уджас ыджыд пай пуктісны Габовысь Шучалинъяслон да Сыктывкарысь Лодыгинъяслон семьяяс. Июнь 30 лун кезлө фундаментсө вөли вөчөма.

2014 вося июль 2 лунө босьтчисны кыподоьны часовнясө. Вит морта бригада вөчис тайос көкьямыс лунөн.

2014 вося июль 10 лунө енколасө лэптыны эштөдөмкөд йитөдын митинг дырийи сёрнитисны

Дзоль да Зимстан сикт-посёлокса администрациясон юрнуөдысыяс Гелий Иванович Логинов да Владимир Николаевич Лодыгин, усьөм воинлон ныв Августа Павловна Лодыгина, гижысь Василий Григорьевич Лодыгин. Ставөн найө пасйисны, мый часовня кыподоьмыс петкөдлө: йөзыс некор оз вунөдны Айму вөсна Ыджыд тышын усьөмаясөс, и колө гөрдитчыны, мый Габовын олысыяс, фронтөвикъяслон



рөдвужыс вичмөдісны часовня вөчөм выло сьөм.

Фронтөвикъяслон ним-овкөд орччөн часовняс лоө пасйөма и сьөм сетсысыяслысь, енкола кыподоьсыяслысь нимъяссө, а сіджжө сийос лэптыны отсалысь организациясөс.

Габовын часовнясө вежөдасны 2015 вося май 6 лунө — Ыджыд Вермөмянь 70 во тырөм водзвылын, Вежа Георгий Победоносецөс казътылан лунө.

**Иван КОНЮХОВ,  
28 Невельской дивизияса  
ветеранъяслон советөн  
веськөдлысь,  
Сергей ТАСКАЕВ,  
дивизияса ветеранъяслон  
советын кывкутысь  
секретарь.**



# Енкола дорö туй

**Матö кызь воён Алла Таскаевакөд искусство гимназияысь этнокультура шöринсянь экспедицияясөн республикаысь, буракö, став районсö нин кытшовтім. Челядьыс гимназияын уналаысь велöдчöны, и веськавлім кө кодлөнкө чужанінö, зілим, мед сійö гөрдитчис сиктнас, сэтчöс олысьясөн, öд Коми мулөн историяын аслас лист бок эм быд нейджыд грездлөн, и вунöдны, веськодя листыштны сійöс оз позь.**

И кор во кык сайын Алла Александровна гарыштис, мөвпалам пö Габовö ветлыны, меным лоис зэв нимкодъ: сэнi сылөн вужъясыс, челядьдырйыс быд гожöм грездас колявлöма, и öнi окотапырысь ветлывлö сэтчö мамыскöд, верöсыскöд, нылыскöд. А со и велöдчысьяссö нуöдö...

А ветлыны помкаыс ыджыд вöлöма. Верöсыс — гимназияын жö велöдысь, «Наследие» корсысыян отрядөн юрнуöдысь Сергей Таскаев да воча вокыс — гижысь, журналист Василий Лодыгин, мөвпыштöмаöсь Ыджыд тышын Айму дорйысьясöс нэмсö казтылöм могысь кыпöдны Габовын Георгий Победоносец нимөн вежöдöм часовня. Не-ыджыд грездысь фронт вёлö мулöмаöсь кызь нельöн, кызвыныс бöрсö абу бергöдчöма. Усьöма-яссö и ловйөн гортö воöмаяссö пö пасъям часовняс. Ним-вич овнас казтыштам найöс и ми:

**Василий Иванович Лодыгин  
Владимир Фёдорович Лодыгин  
Григорий Иосифович Лодыгин  
Григорий Прокопьевич Лодыгин  
Дмитрий Николаевич Лодыгин  
Егор Иванович Лодыгин  
Егор Прокопьевич Лодыгин  
Иван Васильевич Лодыгин  
Иван Владимирович Лодыгин  
Иван Фёдорович Лодыгин  
Николай Иванович Лодыгин  
Павел Иванович Лодыгин  
Пантелеймон Иванович Лодыгин  
Степан Васильевич Лодыгин  
Степан Иванович Лодыгин  
Степан Петрович Лодыгин  
Александр Андреевич Лютоев  
Иван Васильевич Лютоев  
Иван Никифорович Лютоев  
Павел Андреевич Лютоев  
Сергей Никифорович Лютоев  
Ефим Егорович Мизев  
Изосим Николаевич Морохин  
Николай Иванович Морохин.**

Мөвпыштöмаöсь Сергей Таскаев да Василий Лодыгин лэптыны часовнясö, и босытöмаöсь збыльмöдны көсиймсö. Дерт, медыджыд төждыс — сьöм. Асьныс медводз и медуна пуктöмаöсь öтувъя коштö. Сэсса и рöдвужыс, фронтöвикъяслөн внучкаыс отсалöмаöсь, кодi сё, кодi öти сюрс, а кодi дас сюрс шайт вичмöдöмаöсь.

Сьöм чукöртöм йывсыс юөртисны и республикаса да районса газетъясын. Йöзыс шыöдчöмаöсь и тайö корöм вылас. Сидз, Немдiнысь олöма нывбаба төдсаяс пырыс мöдöдöма 1 сюрс шайт, зэв пö



буртор да коланатор вöчанныд да. И татшöм отсöгыс меддона, сійö быттьö бордйöдö, содтöд вын сетö.

Сыктывкарын вöчöдiсны часовнялысь срубсö, Кировын — зарниөн югъялысь юрсö. Фронтöвикъяслөн рöдвуж отсöгөн вайисны Габовö стрöитчöм вёлö став коланасö. А июнь помын сэтчö мöдöдчис искусство гимназияысь «Енкола дорö туй» экспедиция, дас лунөн весалисны-пелькöдiсны часовня кыпöданiнсö, кисьтiсны бетонысь подувсö. Верстыöкöд — Габовса, Сыктывкарса, Зимстанса, Дзольса войтыркöд тшöтш — челядь тыр-бура вöчисны асьыныс уджсö. Карö мунтöдз аттьöалöмъясысь налы медъёна йиджöмаöсь Августа Павловна Лодыгиналөн да Григорий Изосимович Морохинлөн бур кывъясыс, муöдз копытчылöмыс...

Челядьлөн мунöм бöрын Габовö воисны стрöительяс, калибруйтöм керъясысь вежонөн и кыпöдiсны енколасö. Жаль, дерт, мый гимназияса челядь эз удитны аддзывны ас синнас шондi водзын зарниөн югъялысь юра часовнясö. Но Победасынь 70 во тырöм водзвылын, енколасö вежöдiгөн, найö бара воласны Габовö да нимкодъясыны енэжлань синысь часовнянас да грездасакöд öтув казтыштасны Габовса мужичöйясöс, кодъяс дорйисны лөк вөрöгысь Чужан мунымöс.

**Павел СИМПЕЛЕВ.**





# Менам олөмысь дас лун

Июнь 20 лунö гимназистъяс мөдөдчисны Куломдин районса Габов грездө кыпөдны Георгий Победоносец нимөн вежөдөм часовня. Тайö проектнас веськөдлөны Алла Александровна да Сергей Викторович Таскаевъяс. Алла Александровналөн вужъясыс Габовсыс, сәни чужлома мамыс, Августа Павловна Лодыгина. Ичөт нылөн на воывлөма грездас. Алла Александровна тшөкыда юксывлө миянкөд челядырся казтыломъяснас, и быд пөрийө сылысь чужөмсө мичмөдлө мелі нюм, тыдалө, мый казтыломъясыс шонтөны сылысь сьөлөмсө и ловсө. Габов грездын чужлома и нималана гижысь, журналист Василий Григорьевич Лодыгин — Алла



Александровналөн воча вокыс. Налөн рөдыс пыдди пуктө чужан грездсө. Жаль, дерт, өні этша нин сән олысыс да.

Ме медводдзаысь на татшөм экспедицияс. Но век өд мыйкө медводдзаысь овлө. И оз на быдөнлы мойви часовня кыпөдны. Дас лун ми олим палаткасын, пусим бипур вылын, лунтыръясөн вөлим ывла вылын, лолалім сөстөм сынөдөн. Миянлы коліс вөчны енколалы подуvsө — фундаментсө. И ми тайөс вөчим. Медсьөкыд уджсө керисны миян зонъяс, а ми отсасим налы: весалім лөп-өгсө, ваялім лыа, пусим. Дас лун чөжсө миянкөд

**Воис жө тай гожөмыс. Төжд-нок төдтөмыс менам бөръя нин... Куим төлысь кежлө позяс вунөдлыны учебникъяс, 7 час асылын триньгысь будильник, школаса звөнокъяс йылысь, а тшөтш и велөдысьясөс, кодъяс помтөг дольөны, водзын пө тиянөс экзаменъяс виччысьөны. Во мысти ме помала школасө, и, төдөмысь, век кежлө нин торъяла велөдчан ёртъясысь. Ме ньөти ог радейт гажтөмтчыны и та вөсна челядырся ассым бөръя гожөмс сиа меным донда да муса ёртъяслы — гимназистъяслы, ветла накөд «Енкола дорө туй» экспедицияө да Паметьлөн вахта вылө.**

өттшөтш уджалісны Шучалинъяс — Андрей Васильевич да Зинаида Алексеевна. Найө жө быд лун ломтылісны миянлы пывсян, а грездася юктөдісны мөс вөра йөлөн.

Люмила Сергеевна Лобановакөд Настя Зиновьева да ме куим лун кежлө ветлім Улыс Воч сиктө фольклор чукөртны. Пөчъяс, пөляс дорө гөсьти ветлыны, сёрнитны накөд важся олөм, коми войтырлөн оласног йылысь — тайө меным төдса удж нин. Но быд пөрийө, кор аддзысьлан да сёрнитан олөма морткөд, быттө выльысь восьтан аслыд мыйкө выльтор. Быдөн на пиысь ассыс олөм оліс, но ставныслы курыд пас кольөма война. Кызыны татшөм казтыломъясө век зэв сьөкыд. И мыйлакө век ме кыла ачимөс на водзын мыжаөн. Миян, ХХІ нэмын олысьяслөн, ставыс эм, но ми тайөс ог донъялөй. Быд лун сөям нянь, а войнадырся челядылы сійө эз век вичмыв. Ми чужан луннымөс паськыда пасъям, коть эськө медыджыд праздникнас, дерт жө, лоө Победа лун. Олөма йөзөс кывзигөн гөгөрвоан: войнаыс торкома и коми войтырлысь тради-

цияссьө. Од коліс кынөмпөт корсьны, лун да вой кызкө овны, а рытпукъяс, байөдчан сьыланкывъяс, мойджывъяс йылысь некор нин вөлі думайтны.

Ме чайта да, «Енкола дорө туй» кодь проектыссьө колө тшөкыджыка котыртылыны. Оти-кө, төдмасын уна сикас йөзкөд да унаторийө налысь велөдчан, а тайө олөмад зэв өна вермас ковмыны. Мөд-кө, йөзлы бур вылө уджыс и аслыд ыджыд гаж да радлун вайө, уджалан и шойччан өтпырйө. Коймөд-кө, сьөкыда уджалігад и олөмыд оз сэтшөм юмолөн кажитчы, олөмыслысь көрсө бурджыка кутан гөгөрвоны.

Меным зэв нимкодь, мый менам олөмын вөлі тайө дас луныс, и найөс ме коллялі ёртъяскөд өтлаын. Ме ошка ачимөс, мый верми кутшөмкө кад кежлө өвсьывны өтувезйысь, телефонысь, телевизорысь.

А августнас нин ме муна Псков областьтө Паметьлөн вахта вылө, көні бара на мекөд орчөн лоасны муса ёртъясөй — гимназистъяс. Но та йылысь ме коркө мөдысь висьтала.

**Дарья БЕЛОВА.**





## Лоим семьяён

**Шулöны, асылыд пö оз овлы шудаён,  
но тайö асылыс шуда вöлі.**

Июнь 20-өд лун — лун, кор гимназистъяс да налөн велöдысяс воисны Габов грездö, лун, кор Воч ю дорö грездбокса видз вылö паськöдчис «Енкола дорö туй» экспедициялөн палаткаяса лагерыс.

Кор мянлы вöзйисны ветлыны Габовö, ме пыр жö мөвпыштi, мый кöсья сэтчö. Татшöм экспедицияс коймöдысь нин муна, и меным тайö кажитчö. Мый-лакö думайтi: Габовын лоö лöсьыд, лөнъ, шондiа. И лунысь-лун ветлыны кöсийöмыс содiс.

И со ме танi. Будильник пыдди быд асыв мянöс садьмöдö гитара. Ми уджалiм нин часовня кыпöданинын, отсасим татчöс бабьяслы, удитiм нин вöсни коркаа шаньга пöжавны. Рыгъяснас пукалам бипур дорын, юксям асланым сьölöмкылöмъясөн, вермөмъясөн, а корсюрö таксофон пыр сёрнитам бать-мамкөд. Найö мянкөд тшöтш радлöны да таөн зэв ёна отсалöны мянлы.

Дас луннас ми ставөн лоим öти ыджыд семьяөн. Öнисянь менам сьölöмö нэм кежлö овмöдчасны и Габов грезд, и сэтчöс бур йöзыс, вежөрö колясны бур казтылöмъяс, а сьölöмö овмöдчасны ёртъясöй.

*Светлана КАЛИНИНА.*



## Енэжлөн борд улын

**Оз узьсы. Куим час асыв. Пета палаткаысь.**

Сынöдыс! Сöстөм, аслыспöлөс кöра... Сийö тыртö тыясöс, весиг кутшöмакö сотыштö быттö сöстöмысла.

Лэпта синмöс и юр весьтысь аддза помтöм енэжсö. Чайтсьö, нюжöдчышта кö — судзöда сийöс, малышта кымөръяссö да киөн чолöмасы вөр сайыс кыпöдчысь шондi-ыскöд.

Но менсьым мөвпгьясöс мыйкö торкö. Мый нö тайö?

Лэбачлөн вöснъидик сьылöмыс медся бур шыладсьыс на мыладжык, мелiджык.

Сулала вöрса ю дорын, и ньöти абу окота бергöдчыны бусөн тырöм карас. Нэм чöж эськö овны танi — енэжлөн борд улас.

*Алёна УРОДЕНКО.*





**Важысянь Русь пасьтала  
гырысь каръясын  
лэптылісны соборъяс,  
а медся ичöt сиктъясын –  
часовняяс.**

**Мортыд öд олö му вылын,  
но лолыс сылөн енэжлань  
синö-кыпöдчö.**

**А быд енкола – тайö му  
вылын енэжлөн юкөн.**



## Важысянь кыпавлісны енколаяс

Часовня кыпöдöмыс ставнымлы миянлы лоис зэв тöдчана могөн. Ми кöсьям нэммöдны Айму вöсна Ыджыд тыш вылö ветлөм салдатъяс йылысь паметьсö. Великой Отечественной – тайö война, кодi оз сöмын небöг лист бокъясын ов. Сы йылысь паметъыс да бырлытöм шогыс быд семьяын олö.

Тылын вöлі сэтшöм жö сьöкыд, кызди и фронт вылын. Йöзыс тшыгыялісны и кынмалісны, но эз усъны ловнас. Миян страна вуджис тайö сьöкыд кадсö, сійö öтувтис миянöс, и öни ми, фронтöвикъяслөн внук-правнукъяс, казътылам Чужан му дорйысьясöс да вöчам ставсö, медым видзны сöстөм енэжсö да лөнъ, лада олöмсö.

*Анастасия ЗИНОВЬЕВА.*

## Уджыс быттö шойчöм

Некымын лун нин ми олам Габов грездын. И быд лун восьтö уна вель да интереснöйтор. И та дырйи быд лун мыйöнкö да аслыспöлөс. Но став луныс вайö сöмын бур да югыд сьöлөмкылөм. Лов вылад лоö лöсьыд, кор тöдан, мый вöчан ыджыд да бур делö, пуктан таö и ассьыд пай.

Уджыс меным быттö шойчöм, ловтö сöстөммöдöм. Вөр-ваыскöд öтувтчöмыс, бипур дорын пукалöмыс, гитара улö сьылöмыс шонтö ловтö весиг медся зэра лунö.

И ставыс тайö лоö быттö тэнад гортөн, тэнад олöмлөн юкөнөн.

*Мария МАЛЬЦЕВА.*



## Мича грезд

Габов – зэв мича грезд, ми олам палаткаясын паськыд-паськыд видз вылын. Меным танi кажитчö. Ставыс мунö бура, некод оз дышöдчы, кöть эськö поводдяыс оз век лэдз уджавны: то мича, то зэрö.

*Николай НАПАЛКОВ.*



## Сьёлём шоныдён юксям

*Ме шуда, мый локті Габовё. Тані коллялём лунъясё сы мында тёдчанатор нин лоис, и найё чужтісны мейн уна сьёлёмкылём.*

Медводз, мыйта радлун да бур сьёлёмкылём лоис, кор вайисны часовнялысь юрсё. Нимкодьян, мый тшотш кутан енколасё лэптыны, көть эськё та вылө и уна вын ковмас.

Радлунсё вайё и уджыс, часовня гөгөрсё пелькөдөмыс. Тайё од зэв жё тёдчана да колана.

И, дерт жё, медшуда сысысь, кызди ми ёрта-ёртөс гөгөрвоам да пыдди пуктам. Кызди ми отлаын уджалам да шойччам, ота-мөджөд асланым сьёлём шоныдён юксям. И тайё эскөдө, мый уджалам бура да ставсё вочам сідзи, кызди колө.

Юлия ШУЛЕПОВА.



## Вунөдлытём здукъяс

Габов грездын этша нин йөзис олө — кызь гөгөр. Найё шаньось да быдторйын зильоны отсавны. Миянлы висьтавлісны, Габовысь пө кызь нель морт мунөма фронт вылө, а бөрсё локтөмаось сөмын сизимён. Дас сизимыс усьөмаось тышъясын. Часовня кыпөдөмнас ми нэмөдам на йылысь паметсё.

Ме ачим медводдзаысь на татшөм экспедицияс, медводдзаысь ола палаткаын, медводдзаысь сёрниті таксофон пыр. И меным тані зэв ёна кажитчө, ньоти ог жалит, мый локті татчө.

Менам вежөрө колясны здукъяс, кор вайисны часовнялысь юрсё, кор воліс батышка да вежөдіс часовня кыпөданінсө. Тайё зэв вөрзёдана да кыпыд сьёлёмкылём.

Габовын жё ме куті лөсявны накөд, кодъяскөд гимназияын эг на сэтшөма ёртасьлы. Быд асывводз Сергей Викторович ворсё гитараён, а рыгъяснас ми пукалам бипур дорын да сылам. Тайё сыланкывъясыс ловзёдөны сьёлөмтө. И думайта, мый ставыс тайё лоас менам олөмын зэв тёдчанаторйөн.

Анна КОЗЛОВА.



## Мича-мича енкола

Сарөс чөвтан революция, репрессияс, война, войнабөрся сьөкыд кад, перестройка, өнія олөм — ставсё тайөс вуджис Габов грезд.

Тані абу ни лавка, ни школа, ни детсад. А ми кыпөдам тані часовня — Айму вөсна Ыджыд тышын усьөмаяслы памятник.

Отсалан вөчны часовнясө и гөгөрвоан, мый сибөдчан мыйкө ыджыдторйө. Кор ме новлі лыа, весалі ёгсьыс часовня гөгөрсө, сэки менам лов вылын сэтшөм кокни вөлі.

Торйөн нин кыпыд вөлі сьёлём вылын, кор вайисны енколалысь сигөрсө. Син лапнитлытөг ми видзөдім сы вылө да весиг синваным доршасис. Быгтьө Енмыс кинас малыштіс ставнымөс.

Унаён эз эскыны, мый часовняыс кыптас, но ми вөчим нин подуvsө, и регыд Габовын лоас мича-мича енкола, и олөмыс тані оз кус.

Алёна УРОДЕНКО.







Уджыс меным  
быттьö шойчöм,  
ловтö  
сöстöммöдöм.



Важысянь  
Русь пасьтала  
гырысь каръясын  
лэптылісны  
собръяс,  
а ичөт сиктъясын –  
часовняяс.  
Мортыд öд олö  
му вылын,  
а лолыс сылөн  
енэжлань  
синö-кыпöдчö.



Меным зэв нимкодъ,  
мый менам олöмын  
вöліны тайö дас луныс,  
и найöс ме коллялі  
ёртъяскöд öтлаын.





*Августа Павловна велөдiс  
миянòс ёñни коркаа шаньга  
пöжавны.*



*Верстьò  
арлыднас  
ыджыдджыкòсь,  
но кор ми орчòн  
пукалам  
бипур дорын,  
сьылам  
гитара улò,  
тайòс он казьев.  
Ми гажòдчам,  
шмонитам,  
сералам, и  
миянлы зев  
лòсьыдòтлайн.*



*Ме шуда  
сьысь, мый ми  
гòгòрвоам  
ёрта-ёртòс,  
òтлайн  
уджалам  
да шойччам,  
òта-мòдкòд  
сьòлòм  
шоньдòн  
ЮКСЯМ.*





# Мөд синмөн аддзи

Ми Габовынёсь. Челядь и верстьö. Гимназияын верстьöыс — велöдысьяс, кодъяскöд менö öтувтис сöмын велöдчöм; воспитательяс, кодъяслы ме сöмын «Видза оланнэд» да «Аддзысьлыгöдз» шулывлі, а челядьыскöд вочаасьлім сöмын калидоръясын. Но Габовын ме аддзи найöс выль боксянь. Вөлöмкö, тайö зэв бур йöз, кодъяс век дасьöсь отсавны, мездасны сьöкыд здукö да ышöдасны-такöдасны.

Меным кажитчö тайö экспедицияс, сы вöсна мый тані ставөн öткодьöсь. Олам öткодя, сёям öти сёян, вöчам öти удж. И, дерт, верстьöыс арлыднас ыджыд-джыкöсь миянысь, но кор ми орччөн пукалам бипур дорын да сьылам гитара улö, тайöс он казав. Ми гажöдчам, шмонитам, сералам, и миянлы зэв лöсьыд öтлаын.

*Екатерина ИЛЬИНА.*



## Аскиыс лоас татшöм жö гажа

Июнь 26 лун. Палялі. Ывлаас зэрö. Тёп-тёп-тёп — палатканым көтасьö. Зэрыс лөнис. Кыла, Сергей Викторович ворсö гитараөн — часі пыдди. Ставөн садьмöны. Мунöны нуръясьны. Аня да Настя (талунъя дежурнöйяс — пусьысьяс да доздук мыськалысьяс) пуöмаöсь миянлы рок. Ок, и чöскыд!

Нуръясьöм бöрын Комилөн да Россиялөн флагъяс дорö суртам кытшö. Ставөн виж галстукаöсь. Кывзам, мый талун кутам вöчны.

Ставөн мөдöдчам уджавны. Ми — нывъяс — лыа новлам, гөгъяс тырталам.

Габовын лавкаыс абу, и ми ветлам Дзолльöдз. Ньöбам юмовторъяс.

Пажын кад воис. Сёям радейтана шыд. Бöрас пукалам бипур гөгөр да варовитам. Рыгöдзыс прöст кад.

Водам узыны. Аскиыс лоас татшöм жö гажайн (но орчча палаткаын кодъяслыкö оз узьсы, сёрнитöны на)...

*Алёна КАЛИСТРАТОВА.*





# Нэм чөжыс өта-мөдсө радейтлөмаось

Экспедицияын көкъямысод луныс меным, чайтөмысь, лоис медся аслысполосон.

Асывсъяныс сийө нинөмөн эз торъяв мукөдысь. Садмим гитараон сьылөм улө, мыссим ю дорын, нурьясьыштим.

А сэсся менө нуөдісны ветлыны Дзоль сиктө, Пелагия Ивановна да Кузьма Петрович Лодыгиньяс ордө.

Кузьма Петровичлөн челядьдырлы вежыд оз пет. Ичөтөн на вөлөма, кор кувсьөма батыс — Пётр Григорьевич. Та бөрын семьяыс овмөдчөма Дзоль, а сэсся Кузьмаос мөдөдөны Керчомъяса детдомө. Сэксъянь мамсө абу нин адзылөма. Бөрынджык юасьлөмаось сылысь, гижлан он пө мамыды. А кыдзи нө пө гижан, нимсө кө весиг сылысь ог төд. Помнита пө сөмын, мый ыджыд тушаа вөлі. А сиктас сөмын өти татшөм нывбаба вөлөма, Кузьма сийөс и шулөма мамнас.

Детдомас сийөс абу на пыр босьтөмаось. Шуөмаось, кабалястө пө лөка гижөмаось. Сідзи и кольөма улич вылө, өтнас. Коді



лэдзлөма, сы дорын и войсө узылөма.

Некымын лун мысти сийөс век жө босьтөмаось детдомас. Олөма сэни квайт во. Сэсся велөдчөма ФЗО-ын (фабрично-заводской обучение). Вөлөма зэв сьөкыд, тшыгъялөмаось. И мунөма Габов грездө, вөр пөрөдны.

Пелагия Ивановнакөд төдмасьмаось Дзольын. Пелагия сэни и чужлөма. Мамыс — Елена Степановна, батыс — Иван Николаевич. Батыс квайт во Австрияын пленын вөлөма. Казьтывлөма, первой кадсө пө өна кедзотлөмаось пленнойастө. Сэни жө велалөма немеч кывйө, и гортас локтөм бөрын велөдөма сьө челядьсө. Пелагия Ивановна шуө, нинөм нин пө ог помнит, а дасөдз немеч ногыд кужа на лыддыны, бать велөдліс да некор нин тайө оз вун.

Пелагия Ивановна да Кузьма Петрович вылө видзөдөмөн өнія нывзонлы позьө велөдчыны, кыдзи колө нэм чөжыд радейтны өта-мөдтө.

— Öні пө олөмыс миян шуда, — шуөны найө. — Град выв пуктас вөдитам, шойччам, сиктаскөд волысям-варовитам.

Арлыд вылө видзөдтөг найө бура помнитөны, кодьяс Габовысь мунөмаось фронт вылө да тышкасьмаось Чужан му вөсна.

Тайө йөзыскөд аддысьлөм бөрын и ачыд быгтьө мөд мортөн лоан. Гөгөрвоан, мый важыс век кежлө коляс тэнад вежөрө.

**Алёна УРОДЕНКО.**

## Ставыслысь олөмсө торкис

Пелагия Ивановна да Кузьма Петрович Лодыгиньяслөн керкаө пыран да быгтьө важас веськалан.

Найө олөны Дзоль сиктын. Тайө сикт дорас юыс абу, и тайө менө шензьөдіс. Нөшта менө чуймөдіс, либө, гашкө, и тешкодьөн кажитчис, мый сикттыс мөсьяс ветлөны, найөс некоді оз видз.

Пелагия Ивановна да Кузьма Петрович — нянь-сов вылө лышкыд йөз, а Кузьма Петрович меным и серамбанаон на кажитчис, зэв уна

кывбур помнитө, мый челядьдырйыс кывлөма-төдлөма.

Кор кывзан, кыдзи овсьылөма война кадас, весиг думыштнытө он куж, мый став сьөкыдсө верман венны. Кузьма батытөг быдмылөма, детдомын, тшыг нисьө пөт олөма.

Пелагиялы неуна бурджыка овсьөма, батыс ичөтик нылөс өна радейтлөма да.



Войнаыс весиг медся ылы грездьясса войтырлысь олөмсө торкөма. Мыйта вын ковмөма

корсьны йөзыслы, медым ловйөн кольны.

**Алёна КАЛИСТРАТОВА.**





## Керкаыс ловъя

Отче наш... Вай мен вын овны гожомодзыс. Ыджыд карлөн шумын пыр тшоқыджыка казтыла ыджыд мам керкалысь важджык джынсыс ма рёма виж керьяса потолөксö, посводзын дзуртысь джоджсыс вежнясьом повьяссö да квайт пельöса крестьянскöй керкалысь нэмөвöйся буснас тырём гуся пельöсьяссö, кытчö, гашкö, уна во синсö эз чöвтыны ни йöзыс, ни шондi югöрыс эз усьлы.

Мамöй велöдiс эскыны, керкаыс пö ловъя, куш керкалөн тагöс вомөн воськовттöдз пö таркöдышт öдзöсас, медым виччысьтöг эн повзöд йöз син водзö петкöдчывтöм олысьяссö. Öнi ме и ачым таö эска. Öнi ми пöлынтчöм ыджыд керкаыскöд, кодi сюся видзöдö ю вылö, öти лов шыөн олам...

Отче наш... Видз миянлысь мунымöс.



## Еджыд бобувьяса му



Еджыд бобувьяса му... Мортөн вөрзöдлытöм-тшыкöдтöм на. А, гашкö, йöзөн эновтöм нин да?..

...Рытъя лысваас грездыс быттö вугыртöма,

и пуксысь шондiлөн югöрыс гөрдоват рёмөн тöдчöдö вөр йывсö, важ керкаяслысь нитшсялөм вевтъяссö, нөж вöрса юлысь лөнь веркөссö.

Туйывса гуранъясö, ю весьтö öшöдчöм баддён тырём васöд берегъясö пуксялöмаöсь еджыд бобувьяс — гожомнас быттö лым чирьяс усьмаöсь.

Тиралысь бордьяснас найö топöдчöны öта-мöд дорас. Зумыш войвылын чужöмаяс, найö танi и помаласны ассыныс öдйö лэбысь нэмсö да кывтасны кытчöкö уна сюрс во чöж визувтысь Воч ю кузя.

## Чужан керка


Ыджыд мамлөн керкаын менам радейтана местаыс — звöз! Паськыд öдзöсысь вöсьтö ыджыд миррыс: суседъяслөн еджыд öшиньяса керкаясыс, пöлынтчöм потшöсьясыс, лыа туйыс. А тайö мир шöрас — код тöдас кор нин сотчылөм клуб местаын — менам муса вöвьяс. Тэрыб кока нингөн кодь небыд гöна чибöяс, гөр, сьöд, еджыд көбылаяс, сьылиас сьöкыд жынняяна пöрысь мериньяс.

Важ вевт пыр джоджö усьöны гожся шондiлөн югöрьяс. Налөн югыдас лэбалö косьтöм турунлөн пызь-бусыс. Юр весьтын öшалöны да кольмöдöны чорыд көрнас косьтöм бурдöдчан туруньяс, петшöр.

Онъяш...

Сэни, важ крестьянскöй керкалөн гыркьяс, джуджыд джодж улас турун вылын сизимдас во сайын мамыс вайöма тайö югыд светас менсым ыджыд мамöс, Густяöс.

Пукала звöз вылын, кывза жынняянысь пельсьöдмöдан шысö, а менам юр весьтын нэмөвöйся матичыс кутö енэжыслысь вевтсö...



## Андельяс лэбалöны



Дыр виччысяна машиналөн шы!

Вайöны! Вайöны!

Восьтöны кузовсö...

Зарни югöрьяс... Лöсьыдик мича мыгöр... Челядьлөн сингьяс югьялöны радлунөн.

Видзчысьöмөн, пелька, мелiа, кияс вылын, веж турун вылö...

Енколалөн зарни юрыс воис аслас му вылö...

Шулöны, енколалөн сигöр улын андельяс лэбалöны.

Талун ми — андельяс...





## «Көлач ныр-вомаг...»

(ссыланкывыйысь)

Медыджыд шудыс — водз асывнас садьмыны пöлатын да кывзыны, кыдзи пач вом дорын ыджыд мам пелька ноксьö укватöн.

Сэсся казялас садьмөмтö да тшöктас — юш-касö восьт. Кыссян пидзöс вылад ыджыд роч



пачлөн паськыд мыш вывтi. Танi, пемыдас, ыджыд озырлун чукöртöма — сьöла гөн тыра важся тусьяс, косьтöм тшак, пу көлуй — ме весиг ог тöд,

мый вылö найö колöны... Полан китö нюжöдны пачлөн саössöм гыркьяс. Сямтöм көзяйкатö сийö пыр жö сьöд санас пасьяс.

Бөр кыссян паччөрлань да бара асья унмас вöян.

Садьман нин сыысь, мый пачыс ловзьöма да пöся лолалö.

Лэччан паччöрысь и чужöмтö көтöдтöдз на лöня восьлалыштан көдзыд пöвьяса джоджтi. Синтö вештывтöг видзöдан пач вомын ыпгьялысь пес вылö.

Асывсö вочаалан гортса пачын пöжалöм нянь көрөн.

## Вöли и сэтшöм каг

Коркö и менам олöмын вöли кад, кор став рöдвужöй олісны орччөн, вöліны ловьяöсь да дзоньвидзаöсь: и пöчöй, и пöльбöй — томöсь ли, пöрысьсöсь ли, но ловьяöсь. Некод йылысь ме эг сёрнитлы кольöм кадын.

Сулала öнi шойна йөр дорын. Памятникьяс вывсьянь видзöдöны ме вылö менам рöдысь музöм синьяса нывбабаяс: Прасковья (1898 — 1970), Анастасия (1930 — 2006), Евдокия (1924 — 2012).

Тешкодь, но весиг менам Густя ыджыд мам (Августа Павловна Лодыгина) да и став олöма рöдвужöй быгтьö серамсорөн, но дзик збыльысь

индалöны ми янлы, кытчö найöс дзебны. Ми öвтыштчам эськö, мися, водз на тиянлы татчö, шойна вылас, быдöнлы öд аслас кад урчитöма...

Но öд и налөн кадыс локтас.



## Гусятөр

Посводзын шы кыліс. Садьми да паччөр вывсьянь видзöда мир вылас. Лöнь, сöмын көнкö номгьяс дзизгöны. Ен ув пельöсын — Богородича. Пызан вылын — видз вылысь вайöм дзоридзяс да сьöдасьöм чайник. Öшиньясь занавесьяссö вештöма нин. Керкаö пырис асыв.

Öдзöсө тотшкөдчöны. Матвей Агни воöма. Сийö ыджыд мамкөд öттшöтшгья, рузумö гартөмсьяныс нин найö ёртасьöны. Эм весиг сьöдаеджыда снимок, көні найö шальясö да пасьясö төбөм ичöтик нывкаяс на.

Ыджыд мам броткөдчö, куим лун сайын нин пö локтiм, а Агни сöмын талун гөсьти пырис. Часовня пö помечөн лэптам, а внукьясыс сьлөн оз отсасьны... Нинöм ог гөгөрво, тэрыба комиөн сёрнитöны да. Со öд кутшöмөсь коми бабьясыд, кодьяс сё во быгтьö öта-мöдыскөд абу аддзысьлөмаöсь.

Унмовся... Нинöм ог кыв — лөсьыд... Нинöм йылысь ог майшась, нинöм лөксö ог вöтав...

Садьми сьöктаммöм шоньд эшкынысь, восьта синмөс. Матвей Агни йöрас нин петöма.



Ыджыд мам чай юны корö. Казьтылö, кыдзи войнабөрся тшыг воясас пистик да куз сөйлöмаöсь, йиа көдзыд ваысь аръясьясöс кыйлöмаöсь, кыдзи батыс война вылысь абу воöма да рөдас нывулов сöмын и кольöма. Сэсся другчөв усис. Шуö, Агния пö ас дорас корис. Гусьөн на содтiс, суседьяслөн керкаын пö, кодöс регыд пескö пилитасны, кысян стан сулалö... Важсыс-важ... Колö видзöдлыны...

Пасйöгьяссö гижис Ксения ТАСКАЕВА.





# Мичсö вöчигöн и ачыд бурджыкөн лоан

**Асыв. Томуловыс гортас узьö на, сы вöсна мый войнас видзöдiс футболысь мирса чемпионат. А сэтшöм жö арлыда 17 ныв-зон чеччöмаöсь нин, кöть эськö на моз жö уна кад воштöны öтувезйын, уна кад коллялöны ёртъясыскöд да на кодъ жö школьникъясөн лоöны (но, сiдз нин кö шуны, пöшти на кодъ жö школьникъясөн, öд гимназия сэни велöдчысьясöс век пасйö аслыснога мөвпалöмөн да асьнысö кутöмөн).**

**Тайö ныв-зонмыс кыпöдöны Габов грездын часовня.**

24 мужичöй мунöма татысь Айму вöсна Ыджыд тыш вылö. Унабн бöрсö гортас абу бергöдчöмаöсь. А памятникыс налы да налөн подвигы грездас абу, и ми кöсьям кыпöдны сийöс.

Водзтi ме гимназистъяскöд да Удораса школаясын велöдчысьяскöд куйм во дорыв Сергей Викторович да Алла Александровна Таскаевъяслөн веськöдлöм улын ловзьöдi Йöртымдiнын Вежа Троича вичко. Йöртымдiныс — менам чужан сикт, и тайö уджыс вобыд кежлö сетлис меным Ыджыд вын. А таво Вежа Троича вичкоын челяды уджыс абу нин, сэни зiльöны стрöительяс.

## Видзам память

Тöвнас на Алла Александровна вöзйис гимназияса гырысь классъясын велöдчысьяслы ветлыны Габовö кыпöдны часовня. А тулыснас ми нывъяскöд отсалiм нуöдны благотворительной марафон да чукöртны часовня стрöитöм вылöсьöм. А Габовас ме ог вöлi кöсйи локны, гожöмсö гортын думайтi колявны, öд 10-öд класс помалан, да тайö бöръя нин челядыбрыса гожöм. Во

мысти миянлы öтувъя госэкзамен ковмас сдайтны да водзö мунны велöдчыны.

А сэсса ме мөвпыштi: куйм во республика пасыталаысь ныв-зон волiсны менам чужан сиктö вичко ловзьöдны, и со мöдлаö мөдöдчисны, а ме гортö муна? Ог, тшöтш ветла часовнясö кыпöдны.

И со ми вежонысь дыр нин олам ю дорын палаткаясын, пусям бипур вылын да сы гөгöр жö чукöртчылам «сикöтш» вылö, сёрнитам, мый майшöдлö миянöс. А медся главнöйыс, ми вежонысь дыр нин вöчам öти öтувъя Ыджыд удж — видзам Чужан му дорйысьяс йылысь память.



Вежонөн ми весалiм часовня гөгöрсö, а зонъяс бетонысь енколалысь подувсö кисьтiсны.

## Здуксö видз!

Медся сьöлöм вöрзьöдана да дыр казтылана лоис часовнялысь юрсö ваян здукыс. Благотворительной марафон дырйи ми аддзылiм сийöс снимок вылысь, а öнi ас синмөн аддзим да мөвпалам нин, кыдзи сийö сигöртас енколасö, да шондi югöръясыс кутасны ворсны сылөн зарни кышöдын. И таысь сьöлöм вылын пыр жö лои шоныдджык.

А вöскресенньö, июнь 22 лунö, миян дорö волiс отец Александр да бласлöвитiс заводитны





часовня кыпöдан уджсö. Сыкöд во-  
лисны сьылысьяс, öтик зэв лöсьыда  
ворсис гуслиөн. Пöшти лунтыр сэки  
зэрис, быттö муыс и ваис миянкöд  
тшöтш шогсисны Айму вöсна Ыджыд  
тышын усьöмаяс вöсна. Öти ань  
шуис весиг, зэрнас пö Енмыс бур-  
сиö миянлы колана удж вöчны. И  
сэки ми мөвпыштим: тайö проектс  
бурсö да радлунсö вайö оз сöмын  
миянлы, сийö тöдчана и грездын олы-  
сьяслы.



## Вочын

Выльунö Габовö локтис Коми на-  
ука шöринын уджалысь Людмила  
Сергеевна Лобанова. Сийö  
велöдö и гимназияын. Даша Бе-  
лова да ме муним сыкöд Улыс  
Вочö чукöртны фольклор. Сэни  
ми вöлим куим лун: олим да пу-  
сим-сөйим школабердса интер-  
натын, а луньяснас ветлöдлим  
олöма йöз дорö, медым унджык  
тöдмавны налөн олöм йылысь.  
Миян вомьёртыяс чужлöмаöсь  
кольöм нэмся комынöд воясö,  
мöд квийён кө, Ыджыд тыш пан-  
сьытöдз. Кор заводитчис война,  
налы вөлöма 10-16 арöсөн.

И ставөн висьталисны, мый  
медся ёна көсиймаöсь овны.  
«Сöмын мөс эз сет кувны», –  
шуöны найö. Кызвыныс на пи-  
ысь кольöмаöсь батытöг, а öтилөн  
1943 воö и мамыс кувсьöма. Ны-  
лыслөн вөлöма кык ичöтджык  
вок. Ыджыд мамыс куимтö  
вердны абу вермöма да налы  
ковмöма мунны детдомö. Нылыс  
пышйöма сэтысь.

А мöд вомьёрт дас кык арöссиян  
уджалöма вöрын. Мөвпыштнытö он  
куж, кыдзи тшыгьявлöмаöсь, кынмав-  
лöмаöсь, повлöмаöсь. Войнаыс  
бырöдö йöзыслысь сюрөссö – сы-

лысь культурасö, нэмвöйся tradi-  
цияссö. Орö батысянь пилы, мам-  
сянь нывлы вуджöдан визьыс.

## А ставыс коркö помасьö, помасьö, помасьö...

Дас луныс быттö öти лольштöмөн  
лэбис. Висьтавнытö он куж, кутшöм  
нимкодь да кыпыд лов вылад. Вобыд  
велöдчöм бöрын ми вермим сувтышт-  
лыны да лөнъджыка лольштны. И  
көть муртса шонтысьыштны шондi  
водзын (көть сийö миянлы ёнасö эз  
мыччась). Габовын вунöдлим весиг  
кад йывсьыс. Да и мый сы йылысь  
думайтнысö, тэ кө аддзан, мый ка-  
дыс помтöм, и тэ сыö быттö суныш-  
тöмыд-сольнитчöмыд да сыкöд  
тшöтш кыван. Тайö гөгөрвоим ча-  
совня кыпöдигас. Даснан луныс ко-  
ляс миян вежөрö югыд да шоныд  
пасөн. Мича енколасö кыпöдигөн и  
ачыд лоан бурджыкөн.

Нöшта зэв бур, мый верстьö и че-  
лядь öта-мöдыскöд öти радысь сёр-  
нитисны, тöдмалисны ёрта-ёртнысö  
выль боксянь, вöчисны öти удж.



Эска, некымын во мысти кө ме  
тöдмала татшöм жö проект йылысь,  
ме тшöтш вола да пукта сийöс  
збыльмöдöмö ассыым пай.

**Анастасия ЗИНОВЬЕВА.**

«Коми йöзöдчан керка»  
Коми Республикаса  
автономной учреждение.  
**Вескöдпысьлысь**  
**удж вöчысь**  
**Е.В.ПЛЕТЦЕР**  
**Гл.редактор**  
**Г.В.МАКАРОВА**

♦♦♦♦  
Газет паньсы:  
Печать да юр сетан Коми  
Республикаса агентство.  
Регистрируйтöма  
2007 вося ноябрь 28 лунö  
йöзлы юр сетом да  
культураса озырлун видзöм  
кузя оланпасьяс  
збыльмöдöм бöрся  
видзöдысь федеральной  
службалөн Беломорской  
управлениеын.  
Регистрируйтан пас:  
ПИ №ФС 3-0686.  
Социальной тöдчанлуна  
гижöдьяссь йöзöдöма «Коми  
йöзöдчан керка» автономной  
учреждениелы печать да юр  
сетан КР-са агентствон  
вичмöдöм сьом вылö.

♦♦♦♦  
**Редакциялөн адрес:**  
167982, Сыктывкар,  
К.Маркс улича,  
229-öd керка,  
401-402 кабинетьяс.  
**Тел.** 24-12-22, 24-36-49.  
**E-mail:** Yologa@mail.ru

♦♦♦♦  
**Редакцияын**  
**уджалысьяс:**  
**том йöзлөн мытшöдьяс**  
**юкөнөн веськöдлысь –**  
Надежда Пунегова;  
**письмö юкөнөн**  
**веськöдлысь –**  
Екатерина Микушева.

♦♦♦♦  
Петасын снимокьясыс  
Наталья Матвеевалөн,  
Людмила Лобановалөн,  
Сергей Таскаевлөн.

♦♦♦♦  
Авторьяслөн мөвпьяс оз  
пыр лöсьявны редакциялөн  
видзöдласкөд.

♦♦♦♦  
Тираж – 434.  
Гижöдчан индекс – 52099.  
«Йöлöга» газет петö  
1991-öd восянь  
вежоннас öтчыд, комиён.

♦♦♦♦  
Печатьö кырымалан кад:  
график серти – июль  
толысьлөн 23-öd лунö  
16 часын; кырымалöма  
печатьö 16 часын.  
Газет печатайтöма  
«Коми республиканской  
типография» ООО-ын дась  
оригинал-макетьясысь.  
167610, Сыктывкар,  
В.Савин улича, 81  
Заказ №





# И тани лов югзёданін

**Габов грездын татчөс фронтёвикъяслы сиём  
Георгий Победоносецлысь часовня кыпаліс, и бара  
на июль 10 лунё чукёртчылісны грездсаяс да  
кывкутысь йёз, кодъяс отсалісны пёртны олёмö  
бур мөвпыштөмторсö.**

На лыдын вöліны Сергей Викторович Таскаев — искусство гимназияын велöдысь, вежа керка кыпöдөмсö мөвпыштысь да та кузя став уджсö котыртысь, тайö гижöдлөн автор — Габовын фронтёвикъяслы пас кыпöдөм йылысь сёрни панысь, на йылысь книга гижысь, Гелий Иванович Логинов да Владимир Николаевич Лодыгин — Дзоль сиктса да Зимстан посёлкса юралысьяс, делöлы асланыс поэялунъяс серти отсалысьяс.

Июль 10 луныс вöлі ыркыд, но сёлёмъяс вылын вöлі шоныд; синъяс гажöдіс зарниөн да лöзөн лöсталысь, креста ёсь йывнас енэжö сетчөм чача кодь керка, коді лоис тайö ичотик грездын медся мичаён, лов кыпöданаён.

— Со и збыльмис мөвпыштөмторным, — шуис йёз водзын С.В. Таскаев. — Ме эски, мый тадзи и лоас, сы вöсна мый йöзлөн паметгыс ловъя, найö кутöны вежöраныс став медонасö, сы лыдын и война вылын усьöмъясöс, Победа дорысьясöс. Код дорö шыöдчылі, сійö и отсаліс: власьтыс и йöзыс. Торійөн пасъя Габовысь Шучалинъяслысь семьясö: Андрей Васильевич быдсяма пöлөс удж бергöдіс медводдза лунсянь, быдтор вылö киподтуя. Зинаида Алексеевна пусис да пöжасис, пывсьöдіс да мысьсьöдіс, узьтöдіс да чеччöдіс. Василий пиныс — миян гимназияын велöдчысь — тшöтшъяяс пöвстас вöлі медся зіль да уджалö и водзö, öд колö на потшсьыны да краситчыны. Ставныдлы зэв ыджыд атгьö. Олöй и водзö вежавидзöмөн, Енмөс кылöмөн. Зинаида Алексеевна челядьлөн локтан лунö

аддзылөма юсьясöс, тöрыт вичкөсö эштöдөм бöрын кызсюв зэрис, суйис муö шөгсö — и ставыс тайö бур вылö.

Бурсиисны да атгьöалисны и мукöд, дженыдыка, медтöдчанасö



шүөмөн. Сідз, Г.И. Логинов пасйис:

— Миян овмöдчөминлы Габов грездын часовня лэптöмыс — зэв ыджыдтор. Олöмыс сьöкыдкодь, да важсö помнитöмыс, кор вöлі нöшта сьöкыд, да бурö эскöмыс, зэв колö. Ёна бур, кор эмöсь Сергей Викторович да сы кодь водзмöстчысь йёз, кодъяс оз лэдзны усьны лолөн.

Сёрнитісны и грездсаяс. Сыктивкарын важөн нин олысь, но бөръя кадöчужанінас матö быдво вольсь Августа Павловна Лодыгина шуис:

— Татшөм мича керкаыс миян Габовын медводдза да, көнкö, и

медбөръя. Мед татшөм мичаён век и сулалö. Синнытö моз видзöй.

Шучалинъясын пызан сайын нин пукалігөн ме юалі Григорий Изосимович Морохинлысь:

— Часовняыс эз вöв да, йöзыс-лы тай овсис. Удж сійö оз сет, сьöм оз вай. Гашкö, нинöмла вöлі и кыпöднысö?

— Шуан жö. Удж кө оз сет да сьöм оз вай — югзёдö лов. Кор фронтёвикъяслөн нимъяса пöвйыс пытшкас лоас, сэнi и

батьлөн нимыс лөö. Сыкöд меным лөö гажаджык. Тшöтш и мукöд фронтёвикъяслөн нывъяслы да пьянлы.

Часовнясö осьтасны Победалы 70 во тыран волөн май 6 лунö, кор нимöдöны Георгий Победоносечöс. Сэк кезлö лөбны дасьöсь и фронтёвикъяслөн нимъяса пөв, и на йылысь книга, и вежа керка пытшкö колана көлуй да мукöдтор. Сергей Викторович арталö, лөö пö уна йöза чукёртчылөм, öнисянь нин мөвпалö, кызди бурджыка ставсö котыртны. Сиам, мед ставыс артмас лючки, ставыс збыльмас.

**Василий ЛОДЫГИН.**